

Dienelkander



Nuusbrief van die Gereformeerde Kerk Potchefstroom-Oos

WhatsApp: 067 713 2332

Facebook: www.facebook.com/oosdoppers

Intydse erediensuitsendings op YouTube by: Oos-Doppers Potch

Webblad: www.oosdoppers.co.za

Erediens videobank: <http://ow.ly/ivfZ309vsdc>

6 Augustus 2023

09:30 OGGENDEREDIENS: Ds Piet

Ons hervat vandag ons reeks oor die Heilige Gees en die vrug van die Gees in ons lewe as gelowiges. Daar is nog 5 preke oor in die beplanning van die reeks.

Net om julle gedagtes te verfris gee ek hieronder 'n oorsig van eerste 8 preke in die reeks tot dusver:

Johannes 15: 5

Christus is die ware wingerdstok en ons moet in Hom bly sodat ons baie vrugte vir God kan dra.

Johannes 15: 1

God (die Boer) het vir Homself 'n wingerd geplant (die kerk) waar Hy almal (die lote) in Christus saambind om vir Hom vrug te dra.

Johannes 16: 5 - 7 en Gal. 5: 25

Ons dra vrugte vir God wanneer ons ons deur die Heilige Gees laat lei!

Galasiërs 5: 13 - 26

Die eerste vrug van die Gees: om God se **liefde** vir ander mense te gee.

Johannes 16: 16 - 24 en Romeine 5: 1 - 11

Die tweede vrug van die Gees is om ware lewens**vreugde** in die Here te hê.

Handelinge 2: 1 - 21; Filippense 4: 2 - 9

Die derde vrug wat die Gees in my werk is dat die **vrede** van my herstelde verhouding met God my lewe vul en en my tot 'n vredemaker verander.

Eks 34: 4 - 10 / Efes. 4: 1 - 6 / Kol. 3: 12 - 14 en Gal. 5: 22

Die vierde vrug van die Gees is dat Hy jou herinner aan God se **geduld** met jou sodat jy ook geduldig is.

Lukas 6: 27 - 36 / Titus 3: 3 - 7 en Gal. 5: 22

Die vyfde vrug van die Gees: Christus is die "**Vriendelikheid**" van God waarmee Hy my kom dien het sodat die Gees 'n vriendelike, sagte aanvoeling van diens aan ander in my kom werk.

Die negevoudige vrug van die Gees kan in 3 kategorieë ingedeel word:

1. Verhouding met God (liefde, vreugde, vreugde);
2. Verhouding met jou naaste (geduld, vriendelikheid en goedhartigheid); en
3. Verhouding met jouself (geloof, nederigheid en selfbeheersing).

Ons kom vandag by die laaste vrug van die tweede kategorie naamlik: "goedhartigheid"

(ruimhartig, gulhartig, milddadigheid, vrygewigheid).

Tema: God vul ons oorfloedig in Christus en die Gees sodat ons met goeie oorfloed kan uitdeel.

Lofsang met die oog op die erediens

Lied 199: 1, 3 en Lied 200: 1, 3

God en ons ontmoet mekaar

Intreelied Ps. 145 - 2: 1, 4, 6; Votum; Seën; Loflied Ps. 68 - 1: 9, 13, 15

Geloofsbediening: HK Sondag 1 interaktief

Ons verootmoedig ons voor God

Wet uit Exodus 20 ; Sing Ps. 65 - 2: 1, 5; Gebed.

God bedien aan ons sy Woord en ons ontvang dit aktief in geloof

Skriflesing: Galasiërs 5: 22 en Gal. 6: 9 - 10 / Titus 3: 4 - 7 / 2 Kor 9 : 6 - 15.

Fokusverse: Galasiërs 5: 22

Sing: Ps. 103 - 2: 1,2 (Kleuters gaan na hulle bediening); Woordverkondiging

Ons antwoord op die Woordbediening

Sing Ps 112 - 2: 1,2,3; Gebed; Liefdegawes by die deure; Sing Ps. 23 - 2: 1,3; Seën; Amenlied Sb 13-1.

GEEN AANDDIENS: KLEINGROEPBEDIENINGE

MEELEWING

- Hannelie Pieters se mediese ondersoek het uitgewys dat sy met medikasie die hartklep en ander gesondheidsprobleme onder beheer kan hou.
- Andries du Plessis het Dinsdag 'n operasie in Pretoria ondergaan om die 'n staalplaat van sy kaak te verwyder en vir 48 uur binnearse antibiotika. Hy herstel tuis.

- Koot van der Walt het 'n angiogram ondergaan waartydens 'n verstopte hartaar oopgemaak is. Hy sterk tuis aan.
- Annatjie Vermeulen is steeds besig met haar chemoterapie en ons bid haar sterkte toe.

Ons bid al hierdie lidmate troos en beterskap toe in hierdie beproewings.

ONS VRA VOORBIDDING VIR DIE VOLGENDE LIDMATE WAT SUKSEL MET SIEKTE OF SWAK GESONDHEID

Estette Bredenkamp, Annette Coetsee, Kitty Kruger, Annatjie Duvenage, Bettie Niemand, Annetjie Vermeulen, Mariana du Plessis, Rita Schutte, Hannatjie du Plessis en Andries du Plessis.

ONS GROET

Barend en Carike van der Westhuizen wat met attestaat vertrek na GK Ermelo. Barend word op 19 Augustus daar bevestig en lewer op Sondag, 20 Augustus sy intreepreek. Ons bedank hom vir die dienswerk wat hy die afgelope tyd in ons gemeente met groot vrug verrig het en bid hom en Carike baie seën toe met die bediening in hulle eerste gemeente.

BEDIENINGE VAN HIERDIE WEEK

Vandag

09:00 Gebedsgroep

09:30 Oggenderediens

Kleuterbediening

Katkisasie Les 15

Tee en koffie

Groepbediening

Maandag

17:00 Diakonie: Dagbestuur

18:00 Oosdopperfees: Evaluering

18:30 Jeugdiensgroep

Kersmarkvergadering skuif na Maandag,
14 Aug

Dinsdag

18:00 Katkisasie gr 8 - 10

Woensdag

Openbare vakansiedag: Vrouedag

09:30 Bybelstudie

Geen Katkisasie gr 11

AFKONDIGINGS

- Liefdegawes vandag: Diakonie (Groot boks) en TOPIA (Klein boks) Zapper-betaalmetode beskikbaar.
- Gawes volgende Sondag by die deure vir die Teologiese Studentekas.
- Vrywillige bydrae vir voertuigsekuriteit kan in die bussies gegooi word.
- Diensbeurte: Groep 8 en 9.

NOODKREET VAN TOPIA INSAKE FINANSIËLE ONDERSTEUNING

Ons gemeente ondersteun al reeds jare lank vir ds Johannes Aucamp in sy TOPIA bediening wat gefokus is om kerkleiers in Afrika met die gereformeerde leer toe te rus. So help ons om die Evangelie in Afrika te verkondig.

Johannes is tans in Zambië en het laat weet dat TOPIA se begroting 'n redelike tekort ondervind omdat heelwat individuele skenkers nie meer kan bydra nie. Die kerkraad kyk wat ons kan doen en dit is vandag dan ook **TOPIA se beurt om die die deurkollekte te ontvang (klein boks).**

Kom ons dra ruimhartig by en indien iemand dalk op permanente basis 'n maandelikse bydrae sou kon gee, maak asb kontak met ons kassier, Pieter Lourens.

VERJAARSDAE

Baie geluk aan almal wat DV hierdie week verjaar!

Sondag, 6 Augustus

Br Petri Schutte *

Dinsdag, 8 Augustus

Br Jaco v Rooyen

Woensdag, 9 Augustus

Sr Janika Delpport

Br Gerrit J v Rensburg

Donderdag, 10 Augustus

Br Michiel de Kock

Sr Vanessa Fourie

Sr Henda Joubert

Vrydag, 11 Augustus

Sr Lana Laufs

Br Willie vd Walt

Br Johan Visser

Saterdag, 12 Augustus

Sr Annette Coetzee

Sr Salomé Romylos

* Lidmate met spesiale verjaarsdae –
75 jaar en ouer

OOSDOPPERFEES - BAIE DANKIE – DIT WAS LEKKER!

Ons is baie dankbaar teenoor die Here dat ons as gemeente die afgelope week so lekker kon saamwerk en gister se verrigtinge kon geniet. Dit was baie lekker om te sien hoedat lidmate met die saamwerk nuwe gesigte sien en mekaar leer ken. Baie dankie aan almal wat so hard gewerk het en lidmate wat bydraes en groot skenkings gemaak het om ons Oosdopperfees 'n sukses te maak.

'n Besonder woord van dank aan ons Oosdopperfees- en Vleiskomitees wat baie lank terug al begin beplan het en die leiding geneem met met die reëlings. Ons dank die

Here vir sy seën en die vreugde om deel van Sy gemeente te wees!

GKSA-NUUS

Aansoek Kerkorde, artikel 12 –

Ds. Werner van den Heever

Klassis Etosha gee gelykluidend met Noordwes Streeksinode hiermee kennis aan die kerkverband dat Ds. Werner van den Heever van GK Gobabis, aansoek gedoen het om ingevolge KO, art 12 na 'n ander staat van lewe oor te gaan.

Klassis Etosha het, in die lig van KO, art 12, met die advies van Streeksinode Noordwes se Deputate art. 49, saam met die Kerkraad van die Gereformeerde Kerk Gobabis, die aansoek van Ds. Van den Heever deeglik ondersoek en goedgekeur.

Die vergadering het dit ook goedgevind om die volgende inligting rakende hierdie aansoek by te voeg:

Ds. Van den Heever voel steeds geroepe om in diens van God te staan. Die rede vir sy aansoek is om beter geleentheid vir hul seun te kan bied, wat besondere skolastiese ondersteuning nodig het, wat nie in Namibië gevind kan word nie.

Ons innige dank ook aan die kerkraad van Gobabis vir die manier waarop hulle hierdie gesin ondersteun het, en hoe hulle ook steeds getuig van Ds. Werner se beroepingsbewustheid.

Ons bid br. Werner en sy gesin die seën van die Here toe op hulle lewenspad.

Namens Klassis Etosha en Noordwes Streeksinode.

Dr. Paul de Bruyn

KENNISGEWINGBORD

- Tuinwoning te huur: Kontak Pieter de Villiers 082 366 0446
- Massa Mannesang, 20 Aug te Miederpark Kerkgebou

BAIE DANKIE AAN ONS BORG DIE WEEK!



SUSTERS

ROM. 1:16 "EK SKAAM MY NIE OOR DIE EVANGELIE NIE, WANT DIT IS 'N KRAG VAN GOD TOT REDDING VAN ELKEEN WAT GLO."

SUSTERS: ELEKTRONIESE INBETALINGS

Liewe suster, om dit vir jou makliker te maak kan jy gerus die "Zapper App" aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sustersbydrae / Blikkies-warmharte / Kansa / Donasies.



TEESKINK-GELEENTHEID



Koffie, tee en koeldrank vandag in die Skuur na die oggenddiens.
Baie dankie aan groepsusters en hul groepe wat vandag hiermee help:

Marlise Styger en groep 8, Corné Geyer en groep 17, Riekie Storm en groep 26, asook Hannie Niemand en groep 34.


SUSTERSBYDRAE en BLIKKIES-WARMHARTE

- Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.
- Die susters se fondse word uit elke suster se vrywillige bydrae (R150 per jaar) verkry, asook uit die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Dankie vir die susters wat op gereelde basis 'n bydrae vir hierdie werk gee.

KWARTAALPROGRAM

DERDE KWARTAAL				
DATUM	DAG	TYD	WIE	WAT
Jul-Aug	-	-	Almal	Kansaprojek
10-Sep	Sondag	19:00	Blok A	Ouderlingverversings
17-Sep	Sondag	12:00	Blok B	Nagmaalete
26-Sep	Dinsdag	18:30	Blok C	Potch-Oos Sustersafsluiting
2-6 Okt	Week	10:00 en 12:00	Almal	Kinderfees



Oosdoppertjie-Jeugbediening

1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hulle vlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadje ons kinders sal laat groei in hul geloof en verhouding met ons Here.

2. Bediening vir voorskoolse jeug tydens eredienste

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lesie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoefte het om betrokke te raak by kleuterbediening is welkom om Marlise te kontak.

Kontakpersoon: Marlise Styger (marlise.venter@gmail.com of 083 655 8145)

ALGEMENE INLIGTING



LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.

KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Barend vd Westhuizen - 079 337 8148

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

BANKBESONDERHEDE

Geref. Kerk Potchefstroom-Oos

ABSA Bank

Tjekrek: 670 340 066

Takkode: 632-005

Diakonie

ABSA Bank

Tjekrek: 670 280 160

Takkode: 632-005

Susters

Capitec Bank

Spaarrek: 145 652 5695

Takkode: 470-010